

هي : مرض . مرضك أنت !

هو : طيب بلمتك مش النوم أحسن من الكلام اللي أنت بتقوليه ده . . أنا دلوقت أكتشفت أنني فعلاً لما بأسمع كلامك بانام . . لأن عقلي لا يستطيع أن يسمع كلام زي ده . . لابد أن عقلي يغطيني بلحاف من النوم حتى لا أصاب بالبرد . .

هي : عاوز تقول أنني باردة . .

هو : عاوز أردد كلامك بس . .

هي : وأيه الفرق ؟

هو : طبعا فيه فرق . . هناك وابور يعمل ثلج . . الوابور يدور بالنار والكهرباء . . ومن النار ده تصنع ألواح الثلج . . يعني الوابور الوالع ده هو اللي يطلع منه ثلج . . فالوابور لا يدور بالثلج . . يعني الوابور مش بارد . . ولكن كلامه بارد . .

هي : شاطر يا بتاع الخرشوف . .

هو : أنت فاكدة أن الغيان بس هو اللي بيأكل الخرشوف . . الإنسان السعيد محتاج إلى خرشوف ليه ؟ لأن السعادة مرض . . مش فيه ناس عندهم « عى ألوان » . . يعني عندهم تشوف كل الدنيا بلون واحد . . هو اللون الأصفر . . أو الأزرق . .